

田家占候集覽

田家占候集覽卷二

海甯鄒存淦儂荃編輯

○春

名釋 青陽 陽春 青春 芳春 景曰媚景韶景

時曰芳時嘉時 節曰華節淑節 辰曰嘉辰芳

辰

春甲子雷五穀豐登

春寒多雨水

詞攝 春七十二日省酸增甘以養脾氣

春傷於風夏必殮泄

春三月每朝梳頭一二百下至夜卧時用熱湯下

卷二春

一

鹽一撮洗膝下至足方卧以洩風毒脚氣勿令壅  
寒

正二月宜夜卧早起三月宜早卧早起

春三月卧宜頭向東方乘生氣也

飯春蒸温且食麥以涼之不可一於温也禁吃熱物

併焙衣服

春不可食肝為肝旺時以死蒸入肝傷魂也金匱要畧

春三二月勿食小蒜百草心芽肝病宜食麻子豆

李子禁辛辣

宜春甲乙日忌夫婦容止千金方

自正月以終季夏不可伐木必生蠹蟲

種春初掘藕節藕頭著泥中種之當年著花種樹書

○正月

名釋孟春 孟陽 孟陬 上春 發春 獻春 獻

歲 肇歲 華歲 芳歲 端月 陬月

立春之日東風解凍又五日蟄蟲始振又五日魚上冰  
風不解凍號令不行蟄蟲不振陰奸陽魚不上冰甲冑  
私藏驚蟄之日古雨水在驚蟄後前漢末始易之穀獺  
祭魚又五日鴻雁來又五日草木萌動獺不祭魚國多  
盜賊鴻雁不來遠人不服草木不萌動果蔬不熟諺周  
孟春行夏令則雨水不時草木早落國時有恐行秋令  
則其民大疫疾風暴雨總至藜莠蓬蒿並興行冬令則

水潦為敗雪霜大摯首種不入

禮記

是月也迎春生櫻桃胎望春盈時蘭蕙芳李能白杏花  
歸其曆

是月日食人流亡多病五穀貴齊大饑黃帝又主秦大

旱一云人疫夏旱

日赤如血大旱

日上有黑雲大旱

月蝕有災旱人災多盜齊大惡未貴一曰秦地大旱一

云粟賤

月無光人多災

上旬月暈者三明年大赦

正月東風夏米平甲日東風蠶旺南風旱米貴西風春  
夏米貴桑貴北風澇東北風大熟東南風米麥小熟西  
北風水桑賤西南風春夏米貴蠶不利

上甲日風從東方來宜蠶西方黃雲歲惡

正月東方青雲人病多雨赤雲春旱白雲八月旱黑雲  
春多雨南方赤雲夏旱米貴

正月虹見七月穀貴一云東見主秋月米貴西見主蠶  
貴霜多旱

正月雷鳴為失時主疾疫不收應所發之方一云雷多  
主人民不安  
見電人民多殃元旦同

上旬雨穀貴一倍中旬雨穀貴十倍甲乙日雨春雨多  
丙丁戊己夏雨多庚辛秋雨多壬癸冬雨多四時但遇  
此日必雨一曰有風雨三月穀貴

春甲子雨舊作赤地千里謂第一甲子雨大旱或曰赤  
當作尺謂行者苦雨尺地若千里也四季甲子日雨皆  
主雨多

初甲申至己丑庚寅至癸巳雨主糴貴甲寅乙卯雨夏  
穀貴上旬先得丙寅夏雨多戊寅秋雨多壬寅冬雨多  
雨郊穀貴一倍中旬雨郊穀貴十倍

正月雪至地三日內即化歲成人安七日不消秋穀不  
成

正月霜下着物見日不消五穀萬物不實牛馬多疫死  
着木凍損木枝殺草木是謂陰隆

春霜不出三日雨

農候  
雜占

正月電大臣有暴死者人多瘡痍

月令  
通考

正月大霧人民多灾

得子歌云甲子豐年丙子旱戊子蝗蟲庚子亂惟有壬  
子水涵涵都在上旬十日看上旬十日若無子朝中大  
臣死一半

群芳譜

甲子蟲灾桑穀貴丙子旱戊子收庚子虎狼多壬子綿  
貴

三日得甲為上歲四日中歲五日下歲月內有甲寅未



賤

一日得辛早二日小收三四日主水麥羊收五六日小  
早七分收八日歲稔一云春早不收 占書

一日得辛麥收十分二日未蠶收三四日田蠶全收五  
六日麻粟麥蠶羊收七八日早禾麻麥粟少收然貴群譜

得寅 甲寅穀畜貴丙寅油鹽貴戊寅壬寅穀先貴後

賤庚寅穀畜貴

得卯 有三郊宜豆無則早種禾一云一日得卯十分  
收二日得卯依田半收三四日大水五六日半收七八  
日春澇全收 通書

乙卯荆楚未貴已卯燕趙未貴丁卯周秦未貴辛卯韓

魏未貴癸卯宋魯豆貴

一作米貴

得甲 甲申五穀收丙申穀損蟲食菜戊申六畜灾壬

申滂

得酉 一日二日大豐三日四日民安五日至十日中

歲民不安十一十二日歲大熟一云乙酉荆楚吉丁酉

周秦吉辛酉韓魏吉癸酉齊魯吉己酉燕趙吉

月內有三子葉少蠶多無三子則葉多蠶少

有三亥主大水一云正月得三亥湖田變成海在正月

節氣內方準詳周益公日記

正月日暈丙丁日主旱戊己日大水土工起庚辛兵壬

癸江河決溢四月同

元旦至十二日每日取水一瓶秤之一日主正月二日

主二月其日水重則其月雨多輕則少

群芳譜

正月見三白田公笑嚇嚇

朝野僉載

一日雞天晴人安國泰二日犬晴主大熟三日猪晴主

君安四日羊晴主春暖臣順五日馬晴明四望無怨氣

六日牛晴明日月光明大熟七日人晴明民安君臣和

八日穀夜晴五穀熟所值之日晴暖則安泰蕃息風雨

寒慘不吉

東方朔占書

禱是月每早梳頭一二百梳甚益

其月宜加綿襪以煖足則無病

服食是月食虎豹狸因令人傷神損壽

不可食生葱蓼子令人面上起遊風

勿食蟄藏不時之物

勿食鼠殘傷物令人生瘰

節五辛以避厲氣五辛蒜葱韭薤薑是也

且忌是月天道南行作事出行俱向南吉

甲子日寅日宜拔白一云寅日燒白髮吉

求子者擇旺相日期御女正月宜於初三初六初

九初十十一十二十四廿一廿四等日如遇萬神

都會戒夫婦事

幼幼新書

是月初婚忌空房不得已者以熏籠置床以厭之

戊辰日宜煉丹藥

正月日時不宜用寅犯月建百事不利

治禁 上辰日塞鼠穴可絕鼠

上寅日取女青草即雀末三合絳囊盛掛帳中能

辟瘧疫肘後方

未日以蘆芒火照井廁中百鬼皆走荆楚歲時記

正月白犬血辟除不祥通風俗

正月一日或十五日以磚石著李樹岐中令寶繁

又法臘月中以杖微打岐間正月晦日復打之亦

足子也農桑輯要

辰日將斧駁斫樹則結子不落

種植 正月三卯日種麻為上

是月自朔暨晦可移諸樹雜木惟有果實者及望而止南風不可栽

雜事

豎籬落

糞田

修蠶屋

織蠶箔

造桑機

造麻鞋

畚耒

此月入閏

築墻

農桑輯要

○立春

晴明少雲歲熟陰則蟲傷禾豆暖凍殺烏雀

立竿野中量日影一尺大飢旱二尺赤地千里三尺旱

四尺五尺低田收六尺大收七尺次收八尺澇九尺一

丈大水

天陰無風民安蠶麥百倍東風吉人民安果穀盛臘仙占

風從乾來暴霜殺物穀碎貴坎來多大寒艮來風雨調  
五穀熟震來多暴雷氣洩不成巽來多風蟲晴主旱離  
來旱傷萬物坤來冲方為逆氣主春寒六月大水民愁  
土工興兌來早霜疾疫又西風為虛邪風中之必病如  
夜半至無害

立春日北望有紫綠白雲者為三素飛雲三元君以是  
日上詣天帝當再拜陳乞得給侍輪轂三過見元君白  
日升天

修真  
訣

虹出正東貫震中春多雨夏火災秋多水民流冬多海

冠

雨傷五禾

占土牛 頭黃主熟又專主菜麥大熟青春多瘟赤春  
早黑春水白春多風身主上鄉蹄主下鄉田家以此占  
頗驗

立春後遇火日雪則後一百廿日有疾風驟雨謂之雪  
報

服 立春食生菜不可過及進齋粥以導和氣齊人月令  
立春後庚子日宜溫蔓菁汁即藟不拘多少合家

並服可除瘟疫

宜 立春日清晨煮白芷桃皮青木香三湯沐浴吉  
禁 打春牛時拾牛身土泥撒簷下不生螻蚋錄碎  
治 立春日貯水謂之神水釀酒不壞



。雨水

陰多主水少高下並吉

月蝕粟賤盜多

虹見主七月穀貴

良方雨水日有雨夫婦各飲一杯入房即得孕集留青

○初一日

釋名 天臘 元旦 正旦 元日 首祚 正始

晴主人安國泰歲豐冠息牲旺連三日內無風雨而陰  
和不見日色主一歲大美一云晴萬物皆不成

元旦黑農事吉 日有暈主小熟

月暈主土功

大風主旱無風夏田不熟禾黍小貴微陰東北風主大  
熟諺云歲朝東北五禾大熟歷年經驗多是水旱勻調  
高下皆熟之兆餘說皆譌壬癸亥子之方謂之水門其  
方風來主大水諺云歲旦西北方大水妨農功西南風  
主米貴南風及東南皆主旱一曰大風雨其年大惡小  
風雨小惡風悲鳴多病又云米貴多蠶傷

一云西北風主米貴又云忌北風主人民多病

正旦決八風從南來大旱西南小旱西方有兵西北豆

成北方中歲東北上歲東方大水東南疾疫

漢天文志

正月一日平旦漸漸風至暮漸漸晴明一有風二有陽

三有陰雲號三有其年大熟缺一不驗

月令廣義

四方有雲黃即為熟青為蝗赤為旱白為兵東井上有

雲歲澇宜耕高田山田

便氏書

雲蒼色麥熟青蝗災麥半損

日出時有紅霞主絲貴

霞主蟲蝗蠶少果菜感婦女災紅色絲貴

四方有黃氣大熟白氣凶青氣蝗蟲赤氣旱黑氣水

雷鳴一方不安七月有霜一云有雷禾麥皆吉

電人民多殃

雨春旱人食一升二日雨人食二升以漸而增五日雨

大熟一云一日值雨人食百草

一日晴一年豐一日雨一年歉

大雪年豐秋水若未交立春則麥穀蕃盛人民六畜俱安若三次雪遇麥

元旦雨雪吉諺云難拜年易種田

有雪夏秋大旱一云夏旱秋水如未過立春而元旦雪主大有年

雹主盜賊瘡疥

有霜主七月旱禾苗好

有霧主人疫歲穢蠶廢桑賤又主大水一云主桑貴而民疾

元旦牛俱卧則苗難立卧半起則歲中平俱立則五穀熟

元旦值甲穀賤人疫值乙穀貴民病值丙四月早值丁  
絲綿貴值戊米麥魚鹽貴值己米貴蠶傷多風雨值庚

田熟民病金鐵貴值辛未平麥麻貴值壬絹布豆貴米

麥平值癸主禾傷人民厄月令廣義一云值癸主

值甲寅穀畜貴丙寅油鹽貴戊寅壬寅穀先貴後賤庚

寅穀畜貴如上旬先得丙寅雨少夏至雨多戊寅秋雨

多壬寅冬雨多此已錄入正月條下因元日所占

服飲屠蘇酒附屠蘇酒方大黃壹錢桔梗川椒各壹

分桂心壹錢烏頭炮陸白木壹錢萊菔壹錢防風

壹兩以絳囊盛之懸井中至元日寅時取起以酒

煎四五沸飲二三杯自幼小飲起

食五年以練形以助五臟

吞赤小豆七粒服椒酒一杯吉

元日服栢酒令人身輕

服梅花酒却老

服桃仁湯為五行之精可以伏百邪

服蒼朮湯吉

忌

道書以青木香為五香元日煮湯沐浴令人至老

鬚髮重黑又五香方蘭香荊芥頭零陵香白檀香

木香等分咀煎沐浴治頭風如無蘭香以甘松代

沐浴却病

勿食梨不借火不汲水不掃地勿殺生

忌刮鉤

忌夫婦容止

卷二正月

十一

治禁

正月旦取柳枝着戶以驅百邪

用麻子七粒赤豆七粒撒井中辟瘧疾

於門上畫虎頭息瘧癘

取東行桑根大如指長七寸以丹塗之挂門戶上

又令帶之能辟瘧疾

五更正衣冠鏤五色土於戶上厭不祥

易通卦驗

掛雞於門庭百神畏之

迎竈神釘桃符上書一覽字挂鍾馗以辟一年之

祟

作膏粥以祀門戶

取鵲巢燒灰着于廁以避兵撒門裏以辟盜

五更以紅棗祭獻五瘟畢合家食之

五更點火把照果木樹不生蟲以斧敲樹身結實

多一云雞鳴時把火遍照其下則無蟲災

日出時反斧斑駁於棗樹上椎之名曰塚棗不椎

則花而無實 是日用尖刀刮破桃樹皮

酉辰至門前呼牛馬六畜

子丑時打糞堆令人倉庫不虛

方良元日取小便洗版氣大效

小兒未痘以乾葫蘆藤絲一握元日煎湯密室浴

之遍身俱透即終身不癩瘡痘疹只宜一人勿令

兩人知則驗



○初二日

晴主大熟

月暈主土功

○初三日

晴主君安一云主上下安

月暈所宿國小熟

東北風水旱調東南風晴主旱西北風主水

世謂是日為田本命又為田生日浙西人謂之夏正三  
言夏正之三日也俗以是日秤水以重為上有年極驗

無類錄

宜忌  
忌忌刮鍋

龍會日忌行船

禁是日買箕四枚懸四壁田蠶萬倍書五行

○初四日

晴主春暖臣順

宜祀戶

宜拔白

○初五日

晴明民安一云晴明四望無怨氣

雨田大收蠶不收

有霧傷穀傷民

宜忌夫婦容止

春二正月

○初六日

晴主大熟

日月光明大熟諺云孰不孰但看年頭三個六謂正月  
初六十六廿六三日晴明則主豐熟也

○初七日

晴民安君臣和

風雨多灾

服食七種菜羹

忌當登山眺遠

忌交易成衣

雜作煎餅於中庭謂之熏天

剪彩勝為人或鍤金為人貼屏風戴頭髻或以相  
遺取迎新之意

○初八日

晴暖宜穀高田大熟夜晴五穀熟  
此夕雨依田收足日雨元夜亦雨

雲掩月至春雨多

月暈三月有德合初九十六兩日同

初八為上八日宜晴主收成此夜若雨元宵亦雨諺云  
上八夜勿見參星月半夜勿見紅燈農政全書

參星夜在月西主大水夏中一節晴若在月東對月口  
主高田半收在南大旱在北大惡風人疫

卷二正月

齒

初八晚立一文竿於下地看月纜有光即量之隨其短  
長移于水面就橋坊柱或橋柱上託之梅水必到所託  
之處

揚州諺云年八風括到正月終謂正月八日也

宜沐浴

忌遠行

龍會日慎行船

忌刮鍋

○初九日

主蠶晴暖則滋生

宜忌刮鍋

○初十日

月暈主大旱

初十日二十日乃天將軍下降逢太后之日午後三刻

有風警月令廣義

宜沐浴令人齒堅

○十一日

宜龍會日忌行船

○十二日

為花朝晴則百果實夜尤宜晴雨則四十日夜雨久陰

淮俗初二十六兩每月多雨

月暈飛蟲多死

卷二正月

五

○十三日

宜不宜問疾

○十四日

宜忌夫婦容止

雜事吳俗是日以糯穀爆釜中名曰字羅各占休咎

義廣

○十五日

釋名上元

晴主一春少雨又宜百果

暨一丈竿候月午影至七尺大稔六尺小稔九尺一文  
主水五尺旱三尺大旱

無雨主春旱又云雨打上元燈雲罩中秋月又云雨打

上元燈早稻一束草

又誘風吹上元燈雨打寒食墳

又諺上元無雨多春旱清明無雨少黃梅

上元雨灌百物減半

有霧主水

宜祭門先以柳枝插門隨枝所指以酒舖飲食及豆

粥插箸而祭

忌夫婦容止

禁作白粥泛膏于上以祭神令蠶桑百倍荆楚歲時記

○十六日

卷二正月

六



夜晴主旱。惟水鄉宜之。

晴高低皆熟。東南風水鄉好。

最喜西南風為入門風。低田大熟。通書作東南風

西北風主旱。

雨歲俱收。

宜正月十六日古謂之磨耗日。此日以不事事為宜。

如今社日為<sup>謂</sup>之耗日。官司不開倉庫也。

忌夫婦容止。

○十七日

是日為秋收日。晴主秋成。百果蕃茂。

○二十日

釋天穿日

晴主秋成百果蕃茂

一作百穀蕃茂

晴則雨少如遇雨則雨水必多

宜忌刮鍋

雜事江南風俗于正月二十日為天穿日以紅絲綵繫

煎餅置屋上謂之補天漏

○二十一日

諺云不怕正月二十陰只怕二十一日晴

宜忌交易成衣

○二十三日

月暈五穀不成二十四日同

卷二正月

七

○二十五日

月暈某貴一說正月上旬一暈樹木蟲二暈禾穀蟲三暈雷震物四暈民災歲惡五暈有災變七八暈路多死人

且龍會日忌行船

○二十七日

且忌刮鍋

○二十八日

且人神在陰忌，夫婦容止每月廿八皆同

○二十九日

雜掃除室中塵穢投之水中謂之送窮或云晦日

○三十日

風雨糴貴禾惡

服服丹花水少許令人鬚髮不白

宜龍會忌行船

治十月桑落初凍收水釀酒為上時春酒正月晦日

收水為中時春酒

種正月末取蒲桃嫵枝長四五尺者捲為小圈令緊

實先治地土鬆而沃之以肥種之止留二節在外  
候春氣透發眾萌競吐而土中之節不能條達則  
盡萃於出土之二節不二年成大樹其實如棗且

多液也

隨息居

卷二正月

補遺

春

諺云春風踏脚報言易轉如如人傳報不停脚也一云  
既吹一日南風必還一日北風報答也二說俱應五田家  
春辰巳日雨蝗蟲食禾稼田曠  
春甲寅日風高去地三四丈鳴條以上常從申上來為  
大救期六十日應風角書

立春

立春氣當至不至則多疾瘧易說

甲子日立春高鄉豐稔水過旱一尺春雨如錢夏雨調  
勻秋雨連綿冬雨高懸探春歷記

雨水

雨水節燒乾護以糯稻爆之謂之字婁花占稻色自早  
未至晚稻皆爆一握各以器列比並分數斷高下以苗  
白多為勝五田家

正月

上辰出水邊望濯食蓬餌以拔邪續博物志

正月甲戌日大風東來折樹者穀熟甲寅日大風西北

來者貴庚寅日風從西來者皆貴師曠占

占桑葉貴賤只看正月上旬木在一日則為蠶食一葉

為甚貴木在九日則為蠶食九葉為甚賤陶朱公書

正朔占歲星上有青氣宜桑赤氣宜豆黃氣宜稻物理論

元日值戊主春旱四十五日

元日至晦日士女滿裳度厄

元日勿食鯽魚頭中有蟲導生八牒

正月望夜占陰陽陽長即旱陰長即水立表以測其長  
短審其水旱表長二尺月影長二尺以內大旱二尺五  
寸至三尺小旱三尺五寸至四尺調適高下皆熟四尺  
五寸至五尺小水五尺五寸至六尺大水月所極則正  
面也立表中正乃得其定

物理論

十五日夫婦共于富家局會所盜取燈蓋勿令人知安  
卧牀下當月有娠醫說

田家占候集覽卷三

海甯鄒存詮攬筆編輯

○二月

釋仲春 仲陽 愚月 如月 令月

雨水之日桃始華又五日倉庚鳴又五日鷹化為鳩桃  
不始華是謂陽否倉庚不鳴臣不主鷹不化鳩冠戎  
數起春分之日玄鳥至又五日雷乃發聲又五日始電  
玄鳥不至婦人不娠雷不發聲諸侯失民不始電君無  
威震 逸周書

仲春行秋令則其國大水寒氣總至寇戎來征行冬令  
則陽氣不勝麥乃不熟民多相掠行夏令則國乃大旱

卷三二月

一



暖氣早來蟲螟為害

是月也桃夭棣棠奮蒿薇登架海棠嬌梨花落木蘭競  
秀

月蝕粟賤人饑月無光有災異事

雷不鳴五穀不成小兒多災

忌東北雷主病西北多疫

虹見東方秋米貴見西蠶穀貴民災一云在西主蠶貴  
在東主米貴

二月甲子雨早甲寅乙卯雨米貴

霜主旱是月宜連霜諺云一夜春霜三日雨三夜春霜

九日晴

月內三郊有則宜豆無則早種禾農家每歲經驗

服

宜食韭大益人心

千金方

是月勿食黃花菜交陳菹發痼疾疾動宿氣勿食大  
蒜令人氣壅關膈不通勿食雞子滯氣勿食小蒜  
傷人志勿食兔肉狐貉肉令人神魂不安兔死眼  
合者不食傷人鬼子勿與生薑同食成霍亂勿食  
生冷

行途勿飲陰地流泉令人發瘡瘴又令脚軟  
宜 天道西南行作事出行宜向西南吉

上丙日宜洗頭髮愈疾效

上卯日沐浴去百病洗髮愈疾

是月雷將發聲有不戒其容止者生子不備必有凶灾

二月御女宜於四日七日八日九日十日十二

四十九廿二廿九等日

幼幼新書

是月日時不宜用郊犯月建不吉

經玄栞

治禁是月取道中土泥門戶辟官符

上壬日取土泥屋四角宜蠶事

是月令幼小兒女早起避社神免致小兒面黃

方良婦人無子於二月丁亥日取杏花桃花陰乾為末

戊子日和井華水服方寸七日三服

衛生易一云簡方

丁亥日收桃花陰乾為末戊子和井花水服方寸

七日三服療婦人無子兼美容顏

濟世仁術

庚子辛丑日株石胆治風痰最快

種植辰日宜種瓜

丙申日埋諸般樹條則活致富奇書

雜事上丑日泥蠶室

栽柳舒蒲桃上架解粟裹縛去石榴裹縛

造醬是月合寒食前後收柴炭造布浣

冬衣採桑螺蛳農桑輯要

○驚蟄

驚蟄前後有雷謂之發蟄雷聲初起從乾方來主人民  
灾坎方來主水艮方來主米賤震方來主歲稔巽方

來主蝗離方來主旱亢方來主五金長價一云未蟄先

雷須見冰

陶朱公書

驚蟄以前動雷一月斷火灰驚蟄日雷在上旬主春寒  
黃梅水大在中旬主禾傷在末旬主蟲侵禾二月三月  
不鳴多盜

一云驚蟄聞雷米如泥又云驚蟄先雷須見水

驚蟄不凍蟲寒到五月中

沅湘農談

禁驚蟄日以石灰搽門牆壁下一作門限除諸般蟲

蟻月令廣義

○春分

清明燠熱萬物不成一云晴主病

青雲歲豐

震卦氣應明庶風至風從乾來歲多寒金鐵貴應四十  
五日民饑多灾坎來米貴豆菽不成民多疾艮來穀不  
收未倍貴水暴出震來穀熟麥賤人安年豐絲來蟲生  
四月暴寒雨離來五月先水後旱坤來多水人多瘧疾  
兌來為逆氣春寒八月憂兵麥貴凶

春分前後一日內有雷主歲稔

雨人有灾諺云春分無雨病人稀

服春分宜採雲母石煉之用礬石或百草上露水或

五月茅簷摘下簷水俱可煉久服延年遵生

○春社立春後五

戊為春社  
卷三二月

清明六畜大旺黃帝

兩年豐果少歲時占一云有雨主五穀果實少

社在春分前主歲豐在春分後主歲惡諺云社了分米

穀如錦墩分了社米貴遍天下

禁果木久不實者以祭社餘酒洒之則繁茂倍常

社日令男女鞞業一日否則令人不聰

旅飲社酒一杯能治聲疾

社酒小兒飲之能速語

○ 初一日

釋名中和節 天正節

風雨主米貴一云福惡糴貴人灾

雷則八月有霜

值驚蟄主蝗災值春分歲歉米貴

禁取道中土塗門戶能辟官符

○初二日

田家謂之上工日宜晴又云宜雨夜宜晴否則蠶柘貴  
大抵二月怕夜雨一云雨主妨農

見冰主旱

初二天晴東作興初七八日看年成花朝此夜晴明好

何慮連綿夜雨傾

陶朱公書

宜沐浴令人光澤不病不老一云枸杞煎湯晚浴

忌夫婦容止

卷三二月

五



○初三日  
宜 忌晝眠

忌刮鍋

龍會日 忌行船

○初四日 有雨水謂之春水  
宜 忌交易成衣

忌刮鍋

○初五日

宜 沐浴轉健

○初六日

宜 沐浴令人輕健

○初八日  
是日謂張大帝生日前後必有風雨謂之請客風送客  
雨東南風謂之上山旗主水西北風謂之下山旗主旱  
逢壬上天

宜忌刮鍋

沐浴令人輕健

拔白鬚髮良

○初九日

服食大忌食魚鱉

宜忌刮鍋

龍會日慎行船

卷三二月

○十一日

宜不宜問疾

○十二日

釋名 百花生日 花朝

晴則百果實怕夜雨若此日雖雨多亦無妨陳元義云  
二月得十二夜晴一年晴雨調勻  
吳諺云有利無利但看二月十二謂花朝日晴則百果  
少實也

宜龍會日慎行船

○十四日

宜忌遠行

宜拔白

○十五日

釋名真元節 撲蝶會

為勸農日晴主年豐又為花朝晴則百果實風雨主歉  
如有夜雨則有四十日夜雨

○十六日

釋名長春節

宜忌交易成衣

○十九日

晴為上雨則諸物少收一云穀菜百物少收

○二十日

卷三二月

晴主雜平

○二十五日

忌天倉開宜坐園入山修道

○二十七日

宜忌刮鍋

○二十八日

宜宜拔白

忌夫婦容止

○三十日

宜龍會日慎行船

植種菟菟遇朔發生故宜晦日

月令  
廣義

○三月

釋名季春

暮春

末春

晚春

嘉月

蠶月

寤

月

穀雨之日桐始華又五日田鼠化為鴽又五日虹始見  
桐不華歲有大寒田鼠不化鴽國多貧殘虹不見婦人  
亂色清明之日萍始生又五日鳴鳩拂其羽又五日戴  
勝降于桑萍不生陰氣憤盈鳴鳩不拂其羽國不治兵  
戴勝不降于桑政教不中

季春行冬令則寒氣時發草木皆肅國有大恐行夏令  
則民冬疾疫時雨不降山陵不收行秋令則天多沉陰  
淫雨蚤降兵革並起

禮記

卷三三月

八

行是月令甘雨至三旬

淮南子

是月也白桐榮荼蘼條達牡丹始繁麥吐華棟花應候  
楊入大水為萍

日蝕大臣憂其分大水出有旱饑絲綿布米貴楚地大

凶黃帝占

月蝕絲綿米貴人饑無光主水灾

三月風不衰九月霜不降

三月雲甚潤厚大暴雨特至隋書占

虹見九月米貴魚鹽貴婦人吉出西方青雲覆之其下  
多寒人病瘡若痘赤雲覆夏旱黃雲覆夏小旱穀半收  
白雲夏多風人疫黑雲夏多雨

雷多歲稔電多亦然

三月一日至三日當雨不雨主秋多大霧道有餓死人  
七日當雨不雨主穀貴九日至十五日當雨不雨兵在  
外者罷

甲寅乙卯甲申至己丑庚寅至癸巳三辰日雨三未日  
雨皆主米大貴

辰日雨百蟲生更得未日雨百蟲死夏月同有暴雨名  
迎梅雨又名桃花水主梅雨多

三月無雨麥乃有秋諺云三月溝底白莎草變成麥嘉

縣志

三月雪經日不消秋禾不成米貴三倍人相食大臣憂



三月戌不濕民多寒熱月內有暴水謂之桃花水主多  
梅雨無則無雪不消則九月霜不降

有霜主大旱

月內三郊有則宜豆無則宜麻麥此農家經驗之言也

農桑衣食  
要

三月有三郊大豆好無三郊早開元

三月無三郊田家米不飽五行

攝勿久處濕地必招邪毒勿大汗勿裸露三光下以

招不祥勿發汗以養臟氣

服羊脯三月以後有蟲如馬尾有毒殺人

勿食雞子終身昏亂勿食血脾季月土旺在脾勿

食鳥獸五臟及生果菜五辛等物大吉勿食蛟龍  
魚鱉因令飲食不化發宿病神氣恍惚勿食生葵  
及韭勿食陳蕪令人發瘡毒熱病勿食驢肉馬肉  
勿食獐鹿肉令人神魂不安勿食蒜

辰寅日勿食魚凶

宜 是月天道北行作事出行宜向北方吉

是月御女宜於初一初二初五初六初八初十十

七二十廿五等日初幼

是月不宜用辰辰日辰辰時作事犯月建不吉

治禁 初三日或戊辰日收薺菜花桐花芥菜藏毛羽衣

服內不註

辰是月抹桃花未開蕊陰乾與桑椹子和臘月猪油

塗禿瘡神效

是月羊糞燒灰成性和輕粉麻油可搽惡瘡

辰日以絹袋盛麩挂當風處中暑者以水調服

世濟

術

種植

三月中取爛楮木一名木構及葉于地理之常以泔澆

之令濕兩三日生菌四時要類

三月三郊日種粟為上是月可種稷稻

雜事

利溝漬葺垣墻治屋室以待霖雨脫墜

移茄子造酪是月牛羊飽

○寒食

寒食係清明前一日人家墓祭謂之掃松多值風雨是日雨主歲豐諺云雨打墓頭錢今歲好豐年一云雨打紙頭錢麻麥不見收雨打墓頭錢今年好種田

寒食日雨梅雨多

良寒食日水浸糯米一二升逐日換水至小滿漚起晒乾炒黃水調塗治跌打損傷

寒食日採大蓼晒乾能治氣痢用米飲調服一錢效

○清明

清明喜晴惡雨諺曰簷前插柳青農人休望晴簷前插柳焦農人好作嬌又午前晴早蠶收午後晴晚蠶收今

卷三三月

十一

通

清明晒得楊柳枯十隻蠶缸九隻浮農政全書

破詩括

云清明無雨少黃梅

東北風末市桑貴東南風中市貴末市賤西南風晴損桑末市貴西北風中市貴

雷小麥貴

清明有水而渾主高低田大熟雨水調

清明新雪穀雨新霜吳下田家志

禁清明取泉水造酒可留久

清明前二三日螺螄浸水中不拘多少至清明日

以水洒牆壁瓦砌去蜒蚰山居要

清明日所插柳可止醬醋潮溢

清明書清明嫁九娘一去不還鄉十四字于椽壁  
如此夏月無青蟲撲火之擾熙朝樂事按只十字  
云十四者行一四字  
清明日日未出時採齊菜花候乾作燈杖可辟蚊  
蛾

清明日三更以稻草縛花樹上不生刺毛蟲

。穀雨

雨主多魚諺云一點雨一個魚

前一兩日霜主旱是日雨主雨多二麥紅腐不可食用  
穀雨日辰值甲辰蠶麥相登大喜祈穀雨日辰值甲午  
每箱絲綿得三勩田家  
五行

良穀雨日採茶炒藏能治痰嗽及療百病

○ 初一日

風民病木多蟲北風自早至午米貴

雷多主旱無雷多盜一云有雷主五穀熟

雨民疾疫百蟲生又云井泉空主旱一云主民病木多

蟲雨猛主旱

值清明草木茂值穀雨主年豐

忌拔白生黑

忌交易成衣

○ 初二日

雨澤無餘

治禁是日鷄鳴時以隔宿冷炊湯洗滌各瓶罐口及甌

籬厨竈一應器物永無百蟲游走為害上巳  
方收桃葉晒乾搗末并花水服一錢治心痛

○初三日

釋名 上巳辰

晴主桑貴諺云三月三日晴桑上掛銀瓶

陰不見日主蠶大吉月令

上巳有風梨有蟲

雷鳴小麥貴電亦然

杭諺云三月初三雨落至蔭頭白又諺云雨在石上流

桑葉好喂牛又云雨打石頭斑桑葉錢上楚

有霜三月冷

卷三 三月

圭



上已聽蛙聲上晝叫上鄉熟下晝叫下鄉熟終日叫上  
下齊熟聲啞低田熟聲响低田湯

服食忌食諸鱗物

是日不可食百草心

且取枸杞煎湯沐浴吉

忌刮鍋

龍會日忌行船

治禁上已日置薺菜花於竈上可驅蟲蟻硯壽堂詩鈔注

取苦楝花或葉放卧席下可辟蚤虱

飲酒辟不祥

取黍麴和菜作羹以厭時氣

方良  
上巳日取桃花片收之至七月七日取烏雞血和  
塗面及身光白如玉

采柳絮可愈瘡

采藉姑可療饑

采夏枯草煎汁熬膏每日熱酒調吃三服治遠年  
損傷手足瘀血遇天陰作痛七日可痊更治產婦  
諸血病症

取羊齒燒炭治小兒羊癩寒熱

采艾並蔓菁花以療黃病

取薺菜鋪竈上及坐卧處掛子可治痢

采艾挂户上以備灸

卷三 三月

齒

雜油花卜水邊

上踏青鞋

○初四日

雨變易始溝渠主滂

雷歲熟

○初五日

陰巖吉

五日寒食便下田吳下田家志方言

宜忌割鍋

忌見一切生血宜齋戒

○初六日

為露白日是日雨則道路一白即雨一云雨壞墻屋  
忌日中洗頭令人利官身體光澤

夜沐浴無厄

○初七日

南風歲歉又云主歲旱

雨決隄防又北風雨主年豐

忌沐浴吉早暮浴並招則延生

忌刮鋪

龍會日忌行船

○初八日

雨乘船行

卷三三月

五

服勿食芥菜恐病蛟龍瘕

○初九日

雨主連雨不止

忌宜不宜問疾

忌夫婦容止

○初十日

忌宜拔白生黑

○十一日

為麥生日喜晴嘉定縣志

忌宜拔白

○十三日

忌拔白永生

○十六日

南風主早歉

西南風主大旱風愈急則愈旱是日為黃姑浸種日故南方上鄉人有撩起已浸稻種之說又懸百文錢于簷下風力能動則舉家失聲相吊

西南風又主桑葉貴諺云三月十六皎皎晴桑樹頭上揀人情

宜忌交易裁衣

忌遠行水陸不吉

○十九日

卷三三月

忌 忌刮鍋

○ 二十日

忌 天開倉日宜入山修道

○ 廿七日

廿七廿八兩日南風主旱諺云廿七廿八吹得廟門開

蠅螺螿蚘哭哀哀崑新合志

照沐浴令人神氣清爽

忌刮鍋

忌遠行

龍會日忌行船

○ 廿八日

忌夫婦容止

○三十日

雨麥不熟

補遺

二月

二月甲戌日風從南來者稻熟乙卯日不雨晴明稻上場不熟 師曠占

二月甲子日發雷大熟一云大熟 通考下同

十六日乃黃姑浸種日西南風主大旱高鄉人見此風即懸百文錢於簷下風力能動則舉家失聲相告風愈急愈旱又主桑葉貴



二月二十日謂之小分龍日晴分懶龍主旱雨分健龍  
主水 談薈

廿八日為老和尚過江必有風暴若吹南風主旱  
二月晦日雨人多疾 四時占候

清明

若清明寒食前後有水而渾主高低田禾大熟  
四時雨 水調 農政全書

三月

常以三月三日雨卜桑葉之貴賤諺云雨打石頭編桑  
葉三錢片或曰四日尤甚杭人曰三日尚可四日殺我  
言四日雨尤貴 種樹書

上巳聽蛙聲占水旱諺云田鷄叫得啞低田好稻把田  
雞叫得響低田好牽漿唐詩田家無五行水旱聽蛙聲  
是也嘉定縣志

十八日為白龍生日前後旬日陰晴不常鄉民以是日  
雨卜白龍之歸謂龍歸省母則農有秋清嘉錄

田家占候集覽卷四

海甯鄒存淦儂筌編輯

○夏

釋朱明 長羸 朱夏 炎夏 三夏 九夏 節

曰炎節 景曰修景

夏月暈主風

日沒後起青白光數道下挾上澗直起直天俗呼青白  
路主來日酷熱惟夏秋間有之譚芳

夏不聞雷人多病五穀不成甲子庚辰辛巳雷蝗死

夏秋間夜晴而見遠電謂之熱閃

夏多雨電民饑

卷四四月

夏日色黃主雨隋書占

立夏到夏至熱則有暴雨

夏冰歲饑民流五穀不成

夏庚辰辛巳雨主蝗大雨蟲多丙寅丁卯雨秋穀貴庚寅至辛巳雨麥平壬子雨牛無食如甲寅晴諺云狗得過

夏甲子雨主秋旱四十日夏壬子雨牛食多腐

夏季虹出西方麥貴出西方青雲覆之秋冬寒民病瘡赤雲覆之秋旱黃雲覆之秋多大風黑雲覆之秋多雨夏時水底生苔主暴水苔浮水面立時大雨諺云水面生青靛天公又作變夏初天食鯽脊骨有曲主水

夏秋之交槁稻還水喜雨多歲稔諺云夏末秋初一劑  
雨賽過唐朝萬斛珠 五月六月可蓄麥田四民

攝調

夏七十二日省苦增辛以養肺炁

夏傷暑熱秋必痰癘

每日梳頭一二百遍勿着頭皮尤當在無風自然  
去風明目

夏季不可枕冷石並鐵物取涼大損人目

夏三月頭卧宜向南大吉

卧處宜密防小隙微孔恐傷腦戶

夏勿露卧令人皮膚成癬或作雨痕

禁飲溫湯禁食過飽禁濕地卧並穿濕衣

日色晒熱石上覺上不可便坐搖熱生脈瘡冷生  
疝氣人自大日色中熱處晒回不可用冷水洗面  
損目伏熱在身勿得飲冷水及以冷物激身能殺  
人

忽遇大寒當急防避人多率受時病由此而生  
不宜房室色過度以傷元氣

服食夏氣熱宜食菽以寒之不可一于熱也

夏三月每朝空心吃小葱頭酒令血器通暢  
夏三月不可食猪心宜食苦蕒以益心

宜忌丑未辰日及丁巳己巳戊申日脩藥及煉丹藥  
丙丁日忌夫婦容止

襟收書于未梅雨時開閣厨晾晒燥隨即閉門內放

七里香花或樟腦不生蠹魚

收畫未梅雨前逐幅抹去蒸痕日中晒晾令燥緊

捲入匣以厚紙糊匣口四圍梅後方開匣須杉木

枲木為之內不用紙糊並油漆以辟黴炁

夏衣生黴點梅葉煎湯洗之即去格物志

夏月煮肉單用醋煮可留十日

夏月魚肉內安香油則不臭

夏月凡制一切果蔬俱用臘雪水最佳

凡器以肥皂水洗抹過則無蟻

焚鯨鱧骨及浮萍祛蚊又鯨骨最妙

蕎麥稗鋪床止臭蟲燒蜈蚣祛壁虱浮萍雄黃及  
木瓜枝葉皆可熏

方良  
湯洗  
夏月趾腫不能行走九月收茄根懸簷下逐日煎

宜蓄雄黃以備急用諸蟲毒皆可治

宜用五枝湯滌浴訖以香粉傅身能除瘴毒疎風  
氣活血脉桑槐楮柳桃枝各一握麻葉二觔右六  
味以水一石煎至八斗去滓温浴一日一次其傅  
身香粉方蛤粉一觔升如無以粟米粉代之青木香  
麻黃根附子炮製甘松藿香零陵香牡蠣各一兩  
杵羅為末生絹袋盛之浴畢傅身



。四月

釋名孟夏

首夏

余月

陰月

麥秋

維夏

雩

月

立夏之日螻蟬鳴又五日蚯蚓出又五日王瓜生螻蟬  
不鳴水潦注漫蚯蚓不出蟬奪后王瓜不生困於百姓  
小滿之日苦菜秀又五日靡草死又五日小暑至苦菜  
不秀賢人潛伏靡草不死國縱盜賊小暑不至是謂陰  
慝

孟夏行秋令則苦雨數來五穀不滋四鄙入保行冬令  
則草木早枯後乃大水敗其城郭行春令則蝗蟲為灾  
暴風來格秀草不實

是月也杜鵑翔木香升新篁敷粉罌粟滿芍藥相木筆  
書空

四月日蝕天下旱疫牛無食六畜死宋大凶京房占

月蝕大旱穀荒人饑月無光大旱  
虹見米穀貴

月內宜風雨頻諺云麥秀風搖稻秀雨澆  
暴風起東南方人病瀉痢乳婦暴病死

四月雷不鳴十月蟲不蟄

電民不安秋禾傷

四月建己宜暑己不暑民多瘴病熱而眼黃

四月麥秀寒五月溫和暖吳下田家志方言

月內寒主旱諺云黃梅寒井底乾又月內日暖夜寒主  
少水諺云日暖夜寒東海也乾

四月夜涼主少水諺云日暖夜中寒東海水也乾  
月內有三卯宜麻無則麥不收

調攝此月宜晚卧早起感受天地之精炁令人壽長  
忌暴怒傷心秋必為瘧

更禁男女同房

服食是月每清晨吃葱頭酒一二盃令血氣通暢

食葷菜鯽魚作羹開胃

宜暖暖宜食羊腎粥

勿食雉令人氣逆勿食鐸能害人勿令韭菜同雜

肉食暴死者尤不可食作肉疽生胸臆中勿食諸  
物之心勿大醉勿食葫荽傷人神損膽氣令人喘  
悸脇肋悉急勿食生蒜傷人

忌亘  
四月丁巳宜祀竈

忌純陰用事

是月也盛德在火天道西行作事出行宜向西吉  
是月御女宜初三初四初五初六初八初十五

十八廿二廿八等日

新幼書幼

四月為乾生悉在外死悉在酉不宜用己日時犯  
月建百事不吉

方良  
四月吉日製藥治時行熱症望日尤佳浮萍一兩

麻黃去根桂心附子炮去臍皮各五錢共搗為末  
每用一兩入生薑二朮葱頭二個煎至八分熱服  
蓋覆之立發汗

眼目昏暗四月內取風落小胡桃每日午時食飽

以無根水吞下偃卧覺鼻孔中有泥腥氣為度

雜凡伐木四月七月則不蟲而堅歟凡木有子實者

候其子實將熟皆其時也

非其時者  
虫而且脆

收蔓菁芥蘿蔔等子

收乾椹子

鋤葱

收乾

筍藏筍

此月伐木不蛀

修隄防開水竇

整

屋漏以脩暴雨

○ 立夏

春四四月

六

立夏日暈主水晴主旱大晴其年必旱

文林廣記

立夏晴蓂莢滿田晴立夏雨蓂莢挂屋柱

月令廣義

立夏弦卦氣應清明風至是日有風主熱風從乾來為  
逆氣疾凶饑夏有霜麥不利從坎來多雨地動魚蝦廣  
人疾疫良來山崩地動人疫損穀震來雷不時擊物一  
云輶貴燕來歲豐民安離來夏旱未焦人病一云米賤  
坤來人不安萬物傷兌來蝗兵起六畜灾大凶  
立夏有雲大如車蓋十餘此陽水之氣必暑有暘者其

日南方有雲歲豐

虹出正南貫離中火旱灾麻不收夏三月出西方未貴  
青雲覆之杖冬寒民病瘧赤雲覆之秋旱黃雲秋多風

黑雲秋多雨

立夏宜雨諺云立夏不雨田家莫祀若夜雨多損麥及

蠶

服 立夏日食李子令顏色美好元池

是日啖李子不病夏

治 立夏日服六壬六癸符暑不侵抱璞

是日食海螵蛸後以穀七枚勿令人見撒廁中或馬  
補內暑日不生蛆蟲頗驗雲客傳方

○小滿

小滿有雨歲熟諺云小滿不滿芒種莫管

前後風雨白蠟不收

卷四四月

七

● 初一日

晴歲豐晴而燠主旱

日有暈主水主風主熱有重種兩禾之患

大風雨主大水小風雨主小水歲惡米貴又云主種重

犯之患諺云四月初一見青天高下平地任開田四月

初一滿地塗丢了高山去種湖此日最緊要

四月朔風從南來西來者秋糶賤逆此者貴見師曠占

西北風主大荒 風雨麥惡米貴

大雨主蝗災

值立夏主地動值小滿主人災一云主歲凶

忌宜祀竈



方煎銀杏葉湯洗眼明目

○初二日

宜拔白生黑

○初三日

宜忌見一切生血物

忌刮銷

○初四日

是日至十四日風主大風禾貴

雨五穀貴為福生日喜晴

宜取枸杞煎湯沐浴令人不老肌膚光澤

勿伐樹木

卷四四月

忌夫婦容止

○初五日

雨主水多

是日至初八雨宜早麥

服勿食生菜

宜忌見一切生血

○初六日

宜忌刮鍋

○初七日

宜宜沐浴

忌問疾

○初八日

釋浴佛日

最宜密雲不雨

晝雨主豐熟果實少忌夜雨諺云小麥不怕人共鬼只  
怕四月八夜雨大抵北方麥晝花忌晝雨南方麥夜花  
忌夜雨又諺云四月八晴料焯高田好張鈞四月八烏  
鴉瀆上下一齊熟又云四月八日雨魚兒岸下死四月  
八日晴魚兒上蒿林

宜沐浴吉

忌遠行

龍會日忌行船

卷四四月

勿斬草伐木

忌夫婦容止

○初九日

宜沐浴

忌交易成衣

○十二日

忌西風生喜東南風

宜晴諺云有利無利俱看四月十二

博家寶

宜龍會日忌行船

○十三日

雨麥不收

○十四日

晴主歲稔諺云有利無利只看四月十四日譯芳

黃昏時日月對照主春秋旱通考

東南風吉

○十六日

是日雲黑有蟹

諺云四月十六烏漉漉不論高低一齊熟又云四月十六雨飄飄高鄉廣種雜撈漚主旱又云四月十六多雨點鄉人只把脚來償主水

黃昏時日月對照主夏秋之交旱月上邊有白色主大水月上早無雲紅色大旱邊而白主雨夜深主大水一

云月上早低田好收稻月上遲高田剩者稀

訪云有穀無穀且看四月十六立一文竿量月影月當中時影過竿雨水多沒田夏旱人饑長九尺主三時雨水八尺七尺主兩水六尺低田大熟高田半收五尺主夏旱四尺蝗三尺入饑孽芽

忌宜拔白

忌刮鋤

忌夫婦容止

○十七日

忌龍會日慎行船

○十八日

宜拔白生黑

○十九日

宜宜拔白

龍會日慎行船

○二十日

為小分龍日晴分懶龍主旱雨分健龍主水東南風分  
黑龍主旱正南風分赤龍主大旱西北風分白龍主大  
水東北風分青龍主小水西南風分黃龍上下大熟時四

候占

東南風謂之烏兒信風上下大熟田家五行

○廿一日

卷四四月

十一

宜忌刮鍋

○廿五日

宜忌交易成衣

○廿六日

諺云熟不熟但看四月二十六

是日忌雷聲

○廿七日

宜忌刮鍋

○廿八日

亦為小分龍日宜雨如不雨俗云分嬾龍主旱  
諺云四月廿八小分龍是日當雨惡乾風



忌忌刮鍋

忌夫婦容止

○三十日

大雨主蝗災

補遺

江南民於四月一日至四日卜一歲之豐凶云一日雨  
百泉枯言旱也二日雨傍山居言避水也三日雨騎木  
驢言踏車取水亦旱也四日雨餘有餘言大熟也  
四月月中看魚散子占水黃梅時水邊草上看散子高低  
以下水增止農政全書

田家占候集覽卷五

海甯鄭存詮儷筆編輯

○五月

名釋

仲夏

暑月

臯月

姤月

芒種之日螳螂生又五日鵙始鳴又五日反舌無聲螳螂不生是謂陰息鵙不始鳴今蟲墜蝠反舌有聲任人在側夏至之日鹿角解又五日蜩始鳴又五日半夏生鹿角不解兵革不息蜩不鳴貴臣放逸半夏不生民多厲疾

仲夏行冬令則雹凍傷穀道路不通暴兵來至行春令則五穀晚熟百膳時起其國乃饑行秋令則草木零落

果實早成民殃於疫

是月也葵赤紫薇葩蒼菊始馨夜合交榴花照眼紫楸  
降于桑

五月日蝕大旱大飢人死六畜貴梁大占乙己

月蝕主旱梁地惡六畜貴齊地蟲

月無光火災旱

仲夏長風扇暑此節東南常有風名黃雀風風土記

是月朔日至十日不雨大風主大旱風雨主米貴人飢

風從北來人相殘米貴東來半日吉終日米貴

五月砲車雲起急舟人避之此風候也東坡詩云今日

江頭天色惡砲車雲起風暴作

虹見主小水米麥貴

雷不鳴五穀減半大臣災

是月上辰日雨主蝗起雨下食禾大驗上己日雨亦主

蝗蟲

五月尤忌甲申乙酉日雨則有大水諺云甲申猶自可

乙酉怕殺我

蘇州府志

雨雹殺雞犬婦人任事民不安易占

是月五日十一日二十九日天帝朝玉皇主有大風又

云五日十一日十九日天帝釋朝玉皇逢九曜申酉時

惡風忌行舟渡水

五月宜熱諺云黃梅寒井底乾又夜亦宜熱諺云晝暖

夜寒東海也乾俱主旱

五月暴熱之時看窠草忽自枯死主有水便民圖纂

五月不熱十一月不凍博雅

有霧主水諺云五月裏迷霧行船勿要問路

五月壬子破大水穿山過

五月無三郊早一云月內有三郊宜稻及大小豆無則

宜早豆一作有三郊宜種稻有應時雨

十日得辰早禾羊收十一日得辰五穀不收月令廣義

上半月夏至前田內晒穀小魚主水口開水立至易過

口閉反是老農理語

五月大種瓜不下五月小種秧必須早一云五月小瓜

果吃不了又云五月小水浸楊柳杪

調攝

五月俗稱惡月按月令仲夏陰陽交生死之分君

子節嗜慾勿任聲色

勿居濕地以招邪炁勿露卧星月之下

服食

勿食韭菜令人乏力損目勿食生菜勿食濃肥勿

食煮餅可食溫煖之物勿食獐鹿馬各獸肉傷人

神氣勿食山澤中水勿食未成核果令人發癰毒

及寒熱勿食雜肉勿食蛇麩勿食羊蹄不可多食

茄子損人動氣勿食菘菜發皮膚風痺勿食鯉多

發風勿食其脰

李子不可與蜜雀肉同食損五臟鯉鮓不可同小

豆藿官桂猪肝同食損人江魚即黃魚不可同蕎麥  
食令人失音枇杷不可同炙肉熱麩同食令人患  
熱發黃桃子不可與蠶同食甜瓜沉水及雙蒂者  
殺人不可食此物不可與油餅同食

馬夜眼五月以後食之殺人

西陽雜俎

宜

已丑卯辰日祀竈以猪首吉一云五月戊辰日以  
猪首祀竈所求如意

是月天道西北行作事出行俱宜向西北吉

是月御女宜初一初二初三初四初九十二二十

廿四廿九三十等日

初初新書

五月忌翻蓋屋瓦令人髮禿

風俗通

俗諺五月上屋言五月人蛻上屋見影魂當去陽

雜

勿晒床荐席

小兒不可弄槿花惹病痞槿為瘡子花

茉莉花勿置床頭引蜈蚣

五月用事不宜用午犯月建百事不吉

治禁火燒棗子安床下辟狗蚤

以臘月醃猪耳懸梁上令人豐足

方良五月取螢火二七枚燃白髮能黑

火眼赤腫五月取老黃瓜一條上開小孔去瓢入

芒硝令滿懸陰處待稍透出刮下留點眼甚效



疫氣時行用貫仲置水缸中食之一家不染

五月並十二月晦日正月中常宜焚燒穀鬼丹方

方用鬼箭蜈蚣牛黃野葛雄黃雌黃硃砂藜蘆鬼

比目皆桃仁烏頭附子半夏硫黃巴豆犀角鬼白麝香

白朮蒼朮共二十味各等分為末茵陳汁為丸否

用糊汁亦可丸如雞子大每焚一丸百邪皆滅

消暑服五味子湯五味子一大合木杵搗碎置小

磁瓶內投以百沸湯入少蜜封安火邊良久堪服

灰藏毛羽物 種須人卧不卧則晒帚掃 收蠶

種豌豆蜀芥胡荽子

○ 芒種

雜事

芒種晴明主豐午時量日影不及四尺二寸二分瓜不成

陳方  
銅占

芒種大燒天夏至雨連綿見古占年語

芒種一聲雷時中三日雨

芒種宜雨雨宜遲諺云雨芒種頭河魚淚流雨芒種脚魚捉不着

芒種雨百姓苦

諺  
苑

諺云芒種端午前處處有荒田主無秧

芒種後逢壬日或庚或丙日進梅閩人以壬日進梅前半月為立梅有雨主旱諺云雨打梅頭無水飲牛一說主水諺云迎梅一寸送梅一尺試以二說比之梅兩大

據主旱雖有雨亦不多農占

一云芒種逢壬立梅夏至逢庚出梅

芒種逢丙進徽小暑得未出徽神經

按天道自南而北凡物候先南方故閩粵萬物早熟半

月始及吳楚今驗江南梅雨將罷而淮上方梅又踰河

北至七月少有徽氣而不覺以此言之壬丙進梅不足

定擬當易地而論風土記

夏至前芒種後雨為之黃梅雨最長久半月內驗西南

風以定雨候有一日西南風主時裏三日雨諺云梅裏

西南時裏潭潭

西南風急名曰哭雨風主雨立至易過若風微最毒應

在時裏

江湘二浙五月間梅欲黃落則水潤土溽礎壁皆汗蒸鬱成雨其雨如霧謂之梅雨沾衣服皆敗黥故自江以南五月雨謂之送梅轉淮而北則否

老農云芒種後半月內不宜雷謂之禁雷天諺云梅裏一聲雷時中三日雨又諺云迎梅雨送時雷送了去並勿回

種芒種後壬日入梅壬日所種花草雖最難活者亦

皆活申日亦可

癸辛雜說

雜事 梅雨時置大缸于庭前收水煎茶甚美且經宿茶

色不變收瓶中可久用

梅雨水洗癬疥滅癩痕入醬令易熟沾衣便腐澣  
浴如灰汁有異他水

。夏至

夏至日中赤氣出直雜正氣出右萬物半死出左赤地

千里

易通卦驗

夏至午時南方赤氣百穀豐出右萬物平出左赤地千

里

夏至日暈主有水

便民圖纂

午時量日影不及一尺八寸未不成

東方

日月無光五穀不成人病

歲時雜占

夏至日風從乾來寒傷萬物坎來為逆氣寒暑不時夏

月冬寒山水暴出艮來山水暴出泉湧山崩米貴震來  
八月人災巽來九月風落草木傷百果離來五穀熟坤  
來六月雨水橫流諺云急風急沒漫風漫兌來秋多  
雨霜寒

夏至日西南風至六月橫水人殃諺云急風急沒漫風

漫沒

月令  
廣義

夏至宜少陰雨如水波無則三伏熱又青雲為蟲白雲  
為喪赤為兵荒黑為水黃為豐

諺云夏至無雲三伏熱又云夏至有風三伏熱

夏至後四十六日內虹出西南黃坤中有小水蝗災魚  
不滋

夏至日雷主久雨

夏至日雨謂之淋時雨主雨調歲稔諺云夏至無雨確

裏無米

月令廣義

一云有雨主久雨

便民圖纂

夏至日雨其年必豐諺云夏至日的雨一點值千金夏至前岸上有蟬主大水諺云夏至前蟬上岸夏至後水到岸

一云夏至日蟬上岸夏至後水到岸

農政全書

夏至日厲水主妖厲金大暑毒值甲寅丁卯粟貴

夏至在月初主雨水調諺云夏至端午前坐了種田年

田家五行

夏至逢朔日晦日並生五穀熟二日三日六日二十五日三十日同二十二日二十四日主歲不熟

月令占候圖

在初二三主米麥貴初五米貴諺云夏至連端午家家賣兒女初七八米麥平二十大飢又上旬末賤中旬大豐米大賤末旬大歉米大貴

歲時記

又諺云夏至在月頭邊吃邊愁夏至在月中晚閏糶未翁

夏至後半月名三時首三日為頭時次五日中時後七日末時風在中時前二日大出諺云時裏一日風準黃梅三日雨主旱

時裏西南風微和每晚轉東主旱纔風急即雨



時雨最怕在中時前二日來謂之中時頭必大凶若到  
得未時縱有雨亦善諺云夏至未過水袋未破四時  
夏至後一九至二九扇子不離手三九二十七喫茶如  
蜜汁四九三十六爭向路頭宿五九四十五樹頭秋葉  
舞六九五十四乘涼入佛寺七九六十三夜眠尋被單  
八九七十二被單添夾被九九八十一家家打灰墜

宜夏至後宜浚井改水以去瘟病

忌夏至日取菊為灰以止小麥蠹荆楚歲時記

夏至陰滋恐傷物不茂以朱索連帶縛柳祀桃結  
印五色書文施門戶可止惡氣

午日并夏至日有患噪臭者于日未出時汲井花

水一盞作三嗽吐門闥裏如此三十日口臭永除矣

○ 初一日

晴主年豐 為早禾本命日尤忌雨

是日雨主來年三月雨一云大飢喫百草米貴又云不出一年民大飢蝗起又云一日雨落井泉浮二日雨落井泉枯三日雨落連太湖又云一日晴年豐雨主歉  
值凶種主畜灾值夏至主冬米貴大風雨主牛貴人飢  
來年春米貴

宜取枸杞子煎湯沐浴不病不老

忌出錢財

卷五五月

○初二日

雨主大旱

○初三日

雨主水

忌忌刮鍋

○初四日

忌宜沐浴

○初五日

釋名 天中節

地臘

端午日

端陽節

大晴主水又云晴主年豐雨主水大絲貴

諺云端陽晒得蓬頭乾十片高田九片浮此端午晴主

水之說也

值夏至天陰日無光穀不全收又云只喜薄陰但欲晒  
得蓬艾主豐諺云端午晴乾農人喜歡大風雨主田內  
無遺葉言風水多也一云雨來年大熟  
曙時有雨東來人災七月七日有雨即解  
霧主大水

宜蘭湯沐浴令人不老不病

不宜問疾

忌刮鍋

不可見血物

九毒日忌夫婦容止

卷五五月

龍會日慎行船

勿食一切生菜發百病

治禁

畫赤靈符着心前以避兵疫

抱樸子

五日五更使一人堂中向空扇一人問曰扇甚的

荅云扇蚊子凡七問七荅一夏無蚊

日未出時取東向柳枝刻小人形相着衣領中不

忘

以菖蒲根刻作人形或葫蘆樣佩之辟邪

取鱉爪着衣中不忘又云鱉甲一片着衣中令人

聰明

午時硃砂寫茶字倒貼之蛇蝎不敢近家壑

午時望太陽寫白字倒貼于柱上四處則無蛄子  
書儀方二字倒貼柱腳上辟蛇蟲便民圖纂

午時飲雄黃酒以辟疫

是日用熨斗燒棗一枚置床下辟狗蚤

口內常稱游光厲鬼四字知其名則鬼遠避

午時用猪頭血和明雄晒乾收之或燒烟熏或帶

身旁即能制鬼

以雄黃搽狗口鼻用樟木燒烟熏之此狗即能制

鬼

午時取浮萍投廁中絕青蠅

端午取浮萍晒乾為末樟腦一錢拌勻丸如彈子

焚之炷化為水

取浮萍陰乾加雄黃作紙撚香燒之能祛蚊蟲

午日午時將燈草浸油內望太陽咒曰天上金雞  
喫蚊子腦髓液念七遍吸太陽炁吹于燈草上夜

點燈草照蚊俱去

繫五彩絲於臂名續命絲辟兵厭鬼令人不染瘡

疫荆楚歲時記

食井中每年端午日午時入整塊雄黃整塊明礬  
各勸許以辟蛇蟲陰濕之毒或加整塊硃砂數兩

尤妙隨息居飲食譜

良  
不  
蟲  
蠶  
蛆  
二  
物  
異  
類  
全  
穴  
為  
雌  
雄  
午  
日  
候  
交  
時  
取

來夫婦佩之相愛

證類本草

五月五日搗黃瓜入瓶內封挂檐下取水掃之治

杖瘡湯火傷

午日取野苧麻葉陰乾晒燥搓熟取白絨收藏夏  
月遇有金刃傷者敷之即止血且不作膿

午日收青蒿搗和石灰午時丸收治金瘡立效

午日午時度製刀傷方用生熟松香不拘多少研  
末各半封納磁瓶用時糝患處立愈松香經火煉  
為熟未煉者為生此藥愈陳愈佳

金瘡方午日取葛根曝乾搗末敷之止血止痛

取瓦上青苔或百草霜入鹽嗽口或水煮羊蹄或



醋煮川椒俱能治齒百疾

午時採雞腸草晒乾為末齒痛熱腫者擦之立愈  
咽喉痺痛五日收桑耳白如魚鱗者臨時搗碎綿  
包彈子大塞湯浸含之立效

午時取完好勃薺洗淨拭乾勿令損破安餅內入  
好燒酒浸之黃泥密封收藏每用二枚細嚼空心  
原酒下治赤白痢

飲食

瘦瘦五月五日連鬚葱白十根煎湯入醋少許乘  
熱服後厚蓋被出汗即解

治粉刺黑斑午日收帶根紫花天麻全用晒乾燒  
灰商陸搗自然汁加酸醋和勻絹絞淨搜天麻作

餅炭火煨過收之半年方用入面藥尤能潤肌家

用必

午時於韭畦面東勿語收蚯蚓泥遇魚刺鯁者以少許擦喉外其刺即消故集

午日取晚蠶蛾裝一節竹筒內閉眼處封貯待其乾死遇竹木刺傷者以此少塗之即出更有別用如此方可收得

取葵子微炒為末患淋者食前溫酒服一錢效

取鯉魚枕骨燒灰治久痢如神

用獨蒲蒜同真飛丹搗和為丸圓眼大治瘡臨發用一丸并花水面東吞服即愈

中風牙緊不能下藥用水片天南星五月五日合  
起過病以指蘸藥擦大牙左右二十三擦口自能  
開方下別藥治之

午日有雨急破竹一二株內有神水瀝和獺肝為  
丸治心腹積聚

取猪牙燒灰治小兒驚癇並望蛇傷

取蝦蟆曬乾收起紙包紅絹袋盛瘡發早男左女  
右臂上挂帶勿令知之立愈

明雄黃獨囊大蒜各等分於端午日午時將糴子  
尖打爛丸如桐子大硃砂為衣治間日瘡三枚後  
清晨貼在眉梁間以太乙膏蓋之即愈

治禁取塚上泥並磚石一塊回家以小瓶盛埋門外階下合家不患時症

取蒿苳菜原窠或葉置厨櫃中不生蛀蟲置毛褐衣內亦妙

取蝙蝠倒挂晒乾和官桂薰陸香燒之辟蚊

方旅采車前子陰乾為末酒下久服輕身能跳越岸谷

耐老長生

取桃仁百個去皮尖研細入黃丹三錢以黃蠟丸桐子大瘡發日面北用井花水或酒吞下五九大人或用十丸修合時忌婦人雞犬

治惡蟲傷端午取白礬一塊自早日晒至晚收之

凡百蟲所傷以此末傅之効

治刀斧傷午日末馬鞭草血見愁

即草搗爛同風

化石灰為末塗之即愈又方用五月五日採露草

一百種陰乾燒作灰等分以井花水和丸燒白刮

傅瘡上止血生肌

醫方選要外集

治打撲傷損血出不止用海螵蛸一兩石灰四兩

青薊草蒿苣菜各一虎口午日日未出時本人不

語將三味同搗爛杵勻捏作餅子晒乾用時刀刮

傅之無膿退痂使愈

青囊秘術

五日採菟菜加馬齒莧為末等分產婦服之易產

取天落水磨硃為一龍字明年又雨取水磨墨寫

一龍字如錢大二字合作一小丸婦人難產乳香  
湯吞之生出男左女右手中握字丸即下如次年  
無雨前字無用矣每年有雨須寫百字以濟人  
取蜀葵花赤白二色收起陰乾赤者治婦人赤帶  
白治白帶。

取獨蒜搗爛塗面皮手脚一年不生惡瘡及冬月  
不作凍瘡神驗不可多擦

魚口毒瘡午日午時取樹上青胡桃筐內陰乾臨  
時全燒為末黃酒服少行一二次有膿自大便出  
無膿即消二三服平

治禁

杜羔妻趙氏每端午取夜合花置枕中羔稍不樂

輒取少許入酒令婢送飲便覺歡然

午日收鴉鳩脚脛骨帶之男左女右夫婦各一能令夫婦相愛

午日午時用黃表紙硃書江西人討木頭錢要紫要紫十一字凡患瘡於前一時捏左手或焚灰吞服甚效

初生小兒陰囊過大以恐變成木疝如遇滿月外或一歲以內俟端午日午時以脚盆盛熱水安於中堂隨抱小兒將陰囊放水內一浸再將小兒在於中門檻上中間一擱其陰囊上之水印痕於檻將艾火在檻上濕印處燒三次其囊逐漸收小如

故顯驗

○初六日

宜九毒日忌夫婦容止

○初七日

宜沐浴

九毒日忌夫婦容止

○初八日

宜沐浴

○初九日

宜沐浴長命

忌刮鍋

卷五五月

夫



○十一日

忌天倉開日宜入山修道

龍神會忌出行

○十三日

釋名竹醉日可移竹凡栽竹勿用脚踏只宜籠打便多出筍

為白龍生日當有風雨一云是日雨則歲豐

五月十三雨滿饒州好販大碗樂清縣志

五月十三連夜雨來年早種白頭田田家五行

○十五日

晴主年豐草木盛

忌交易成衣

九毒日忌夫婦容止

○十六日

有雲主草多黑雲主有蟬

宜天地合又九毒日忌夫婦容止

宜拔白

○十七日

宜九毒日忌夫婦容止

○十九日

宜龍神會忌遠行

○二十日

釋名分龍日

卷五五月

雲和則歲熟

為大分龍日占同小分龍無雨而有雷謂之鎖龍門雷  
主當地少雨是日農家早以米篩盛灰藉之紙至晚視  
之若有雨點迹則秋不熟穀價高人多閉糶

諺云二十分龍廿一蠶拔起黃秧使種豆二十分龍廿  
一兩水車閣在衙堂裏

宜  
宜拔白

良  
方  
株小蒜曝乾治心煩痛解諸毒又治小兒丹痧

○廿一日

有雨歲豐無雨主旱

○廿二日

忌忌刮鍋

○廿三日

有雨為之問龍雨一百廿日晒龍衣主旱

○廿五日

亦為分龍日大晴則大旱諺云熟不熟但看五月廿五  
六又云此日陰沉沉穀子壓田塍

宜忌交易成衣

九毒日忌夫婦容止

○廿六日

有雨為分龍雨占同廿五日

宜九毒日忌夫婦容止

卷五五月

六

○廿七日

攝調此日後天氣漸熱不可汗身貪風涼不可卧風地

食生冷

服宜服五味子湯取五味子一合搗置小瓶中以百

沸湯入蜜少許即封口置火邊良久乃服生津止

渴一作廿六日

宜忌刮鍋

龍神會忌遠行

九毒日忌夫婦容止

○廿八日

宜忌夫婦容止

○廿九日

楚俗以廿九三十為分龍兩則多水

夏忌龍神會忌遠行

○三十日

風雨來春米貴不雨民病

補遺

夏至

夏至日風色看交時最要緊屢驗農政全書

夏至日起時時分三節共十五日初雨為迎時末雨為送時諺云高田只怕迎時雨低田只怕送三時蓋初時

卷五五月

九

雨則早末時雨則潦也若中時而雷謂之腰報亦主多  
雨諺云中時腰報沒低田

嘉定縣志

末時得雷謂之送時主久晴諺云迎梅雨送時雷送去  
了便弗回

農政全書